

AZKEN-ITZ

Jaun eta Andreak:

Asierakoan esandako itz berakin bukatu nahi det, gure lanaren Azken-Batzar au: Batzar Orokarra, Bukaerako Batzar Nagusia.

Euskaltzaindiari, Euskeraren batasuna eratu dezala eskatu zaio, orain 50 urteko bere Sorreraren gogoangarri. Euskaltzaindiak bete du bere agindua. Irakurri zaizkitzute, iru egunez izan ditugun billeraen azken-itzak, conclusioak.

«Batasuna egiña dago» esango da. Esan dezagun obeto: «Batasunera-ko bidea ebakia dago». Gure billera oiek ez dute, bidea ebaki, bidea autsi besterik egin. Batasuna bera «egin», orain egin behar da, ibillian, joanean, praktikan: idaztean eta Ikastoletan azken-itx oiek beteaz, azken-itx oien neurrian idatziaz eta erakutsiaz. Zuena da, beraz, lana, batez ere: Idazleona, Andereñoona.

Euskera «teorian» batu degu, laburtu degu, errextu degu. Euskera elementala sortu degu: errexago idatzi dedin, errexago irakurri dedin, errexago ikasi dedin. Idatzi, irakurri, ikasi... Ortan dago orain lana.

Batasunak, hori errextu besterik ez du egiten. Eta hori da asieran esan nizutena eta gaur ere adierazi nahi dizutedana. Batasuna ez dala dana, batasuna ez dala «panazea» bat, Euskeraren problema guztiak askatuko dituana, gure Euskeraren gaitz guztiak erremediatuko dituan «panazea». Gu geurok gera. Euskeraren gaxotasuna sendatu behar degunak. Batasunak ez du ezer egingo, gu, batasunak sortutako osasun-giroaren barruan ahalegintzen ez bagera, idazten, irakurtzen, ta ikasten... eta itz-egiten, parra-parra itz-egiten. Ortan dago bizia.

Eta orrenbestez, AGUR.

M. Lekuona.